庫全書

子部

欽定四庫全書

老子翼卷三

詳校官侍郎臣謝 塘 檢計臣何思釣覆勘

總校官編修日王燕緒 校對官助教臣羅萬選 腾録監生日趙與文

り年を行 老子翼 THE PROPERTY OF 250 属郷曲仁里と **公得其時則蓬累而** 與骨皆已朽 公者 愚去了 つ適周

徳之意五千餘言而去莫知其所終或曰老萊子亦楚 吾今日見老子其猶龍和老子价道德其學以自隱無 編飛者可以為增至於龍吾不能知其乘風雲而上天 知其能将獸吾知其能走走者可以為罔游者可以為 告子若是而已孔子去謂弟子曰鳥吾知其能飛魚吾 驕氣與多欲能色與淫志是皆無益於子之身吾所以 名為務居周久之見周之衰迺遂去至關關令左春日 子將隱矣殭為我著書於是老子廼著書上下篇言道

ならんびらん とうし

膠西王印太傅因家於齊馬世之學老子者則經儒學 子隱君子也老子之子名宗宗為魏将封於段干宗子 回始秦與周合而離離五百歲而復合合七十歲而霸 人也著書十五篇言道家之用與孔子同時云蓋老子 王者出馬或回修即老子或曰非也世莫知其然否老 孔子死之後百二十九年而史記周太史儋見秦獻公 百有六十餘歲或言二百餘歲以其脩道而養壽也自 注注子宫宫玄孫假假仕於漢孝文帝而假之子解為

生之氣候固以財成無類亭毒產品有人民馬有君長 馬至若上皇還古夏巢冬於静神習智親居數飲 儒學亦然老子道不同不相為謀豈謂是邪李耳無為 而懸日月横地角而載山河一消一息之精靈上生下 自化清淨自正 與天地同節非析疑於祖豆大樂與天地同和豈考擊 於鐘鼓速乎失道後德失德後仁皇王有步驟了 道衛老子廟碑曰自太極權與上元開闢舉大維

動定匹庫全書

能檢其情性刑典三千未足息其奸尤故知潔其流者 感星載誕莫測受氣之由指樹為姓未詳吹律之本含 澄其源直其末者正其本源源本本其惟大道乎老君 俗有淳醨之變於是儒墨爭騖名法並馳禮經三百不 靈在孕之十餘年生而白首自以老子為號其狀也三 門雙柱表耳目之奇蹈五把十形手足之異爰自伏羲 至於周氏綿祀歷代見質變名在文王武王之時居蔵 杜史之職市朝屢易容貌不改宣尼一睹嘆龍德之 **是子翼**

宣馮夷之 則神清志静用之治國則反朴還淳既而鍊形物表卷 知關尹四望識真人 歸道 外與裳鶴為往來紫府金漿玉酒絲行清都泰日 則騰驤雲霧大椿凋茂非蜉蝣之所知溪渤淺深 之華 與天地而終始涉其流者則擴落點塵得其 化其精微複麟筆削不能方其顯晦用之治身 /能測或矣哉固無徳而稱也莊周云老明 以無為用其解簡而要其肯深而遠飛龍 '將隱乃發揮來妙者書三篇

多定四母全書

代共工既前重立乾坤蚩尤就戮更調風雨宰制同造 壘之區狼顧為時黃延奸完鄭四兵禍大縱毒強將過 飛两日與洛川俱關天齊地軸之所蛇食鯨吞銅陵玉 赤先發芒山之紫氣珠衡月角天表冠於百王明鏡衢 函夏神謀内斷靈武外馳應機槍而掃除仗旄鉞而斬 秦快吊之三號而出是謂逐天之形雖復傲吏之寓言 鳟 聖德會於千礼周道云季多難在時九男共海水同 抑亦蟬蛇之微古皇帝誕靈縱敵接統膺期照春陵之 老子提

化之功生靈荷魂魄之賜萬方欣戴九服謳謌乃九答 沒發於寤寐辣林肺石特降皇情祝網泣奉深存寬簡 存甲偷右平左城幸遵制度朝夕正殿不别起于鴛鴦 軒棘颇項建國不同大昊少昊邦畿各異舜改克都夏 天人祗曆揖讓升泰壇而禮上帝坐明堂而朝羣后昔 升降靈臺豈更管于鳷鵲憂芳底績矜育蒼生念茲在 經始帝居不移天府規模紫極仍據皇圖下宇上棟務 遷虞邑歴選前辟義存創造惜十家之産爱兆民之力

一多 定 匹 库 全書

ラン・ア・シン・ドー 來久矣無上落以制之用下策而難服自我開運耀德 草纓知耶畫服與慙天無入牢之星地絕城牛之氣延 潤塗納然民於毒域花頭垂象窮髮成形種檢作患其 臣允文允武為王室之蕃屏成神化之丹青致世俗於 德作貳東朝外正萬邦內弘三善兩離炳耀重日垂明 永固洪基克隆門作重以維城磐石多数多才良佐實 正六樂於已崩總章彩志之音大師成功之頌承華養 閣廣內考集羣典石渠壁水闡楊儒業級五禮於將壞 老子服

戢兵感義懷仁稱藩請朔稽顧款塞匍匐投掌将坷夜 多定匹库全書 風寂寥千載天命聖德會昌神道變億兆之視聽復三 不愆貢職夫餘肅慎無絕夷邱遐邇提福文朝大同自 即之所靡漠桑榆之地咸被聲教並入提封閩越勾吳 深華夏有晉則化成夷狄降斯以後粹駁不分帝迹皇 效徵三足神爲感陽精而表質春泉如體出自京師 1規模固以巡明贊協符瑞彪炳千年靈蔡著天性)餘六雄競逐秦居閏位漢雜霸道魏氏則虐

欽定四庫全書 題 猶恐祀典未弘秩宗廢禮水言仁里尚想玄極壽宫靈 書未允深松之奏在青蒲之上常若乘奔處黃屋之下 司亳州刺史武陵公元胄考其故迹管建祠堂皇上往 無忘夕惕雖蒼壁黄琮事天事地南正火正屬神之徒 檢金絕登封岱岳而謙以自收為而不幸尚寢馬卿之 之鳴五緯叶珠囊之度信可以揚變動跟肆親東后王 秋露凝甘徧於竹葦星光若月雲氣飛煙三農應銅爵 座麋鹿徙倚華蓋剡壇風霜凋弊乃詔上開府儀同三 老子翼

尊客肅移仙衛儼而無聲神館虚聞滴瀝降而成響清 苦相之兩城繞渦穀之三水芝田柳路北走梁園沃野 在之战中醮祀之禮顯仁助於王者冥福資於黎獻九 心潔行之士存玄守一之傳四方輻凑千里波屬知如 玉京而建字雕楹畫株磊阿相扶方井圓淵參差交映 平皋東連熊國望水置勢換景瞻星凝玄圃以疏基横 因歷試總斯蕃部猶漢光司隸之所魏武死州之地對 所謂天大道大難幾者矣若夫名言頓絕 與泉之路莫

欽定四庫全書 鏤金石不可以已而在兹乎歳次敦牂律中姑洗大隋 戈魚驚網密鳥亂弓多真人出世星精下斗龍德在躬 濟泊俗異沖和尚賢飾智懸法張羅內修尊祖外事干 古邀矣帝先四紀維地八柱承天散生類聚廣谷大川 其象契帝迹慙皇王猷謝帝上德通遠淳風漸替時形 至道靈運神功自然五精應感三微相繼樹以司收執 取天下之六載也乃詔下臣建碑作頌其詞曰悠哉振 開形器不陳妙物之功難者騰茂實飛英聲圖丹青 **长子翼**

琴化致弱平家典禮讓永言柱下猶輕太上乃建清祠 光浮玄門洞啟神化潛流賴鄉舊里渦川遺迹古往今 兹五截隘此九州逝將高蹈超然遠遊青牛已駕繁氣 歸款萬方宅心鴻臚納黃王會書琛青雲干吕薰風 維皇受命乃神乃聖響發地鐘光垂天鏡宇宙開朗妖 來時移世易靈廟凋毀祠壇虚寂九井生桐雙碑碎石 **泵荡定曜魄同尊恭神取正流沙蟠木鳳穴遍林異類**

鶴髮垂首解紛挫鋭去薄歸厚日角月角天長地久小

とこううこう 孔子將適周觀先王之遺制考禮樂之所極斯大業也 禮樂之原明道德之歸則吾師也敬权言於魯君曰孔 敬叔師仲尼仲尼謂敬叔曰吾聞老聃博古而達今通 讚頌逃明資仰敬刊金石永播天壤 丘聖人之後將達者也受先臣之命屬臣則必師之 煙霞舒卷風霧凄清仙官就位羽客來庭穰穰簡節降 式 圖靈狀原隰爽垲亭 皐彌望梅梁桂楝曲檻業楹 明靈至神不測理存緊象大音希聲時板高響退過 老子具

世之士聰明深察而近於死者好議人之非者也博 考明堂之則察朝廷之度觀明堂四門之壩有堯舜祭 抱之而負斧展南面以朝諸侯之圖嘆曰吾乃今知周 紂之象各有善惡之狀與廢之戒馬又有周公相成王 子敬叔俱至周問禮於老聃訪樂於長弘應郊社之所 君盍以車乘齊之臣請與往魯君與車一乘二馬二豎 公之理與周之所以王也將去周老子送之曰富者送 以財仁者送人以言吾竊仁者之號送子以言凡當

金灰四月全書

垂十萬言有浮提國獻善書二人作老年少隱形引 更五人或乘鳴鶴或者羽衣共譚天地之数所撰經書 孔子問老子而得禮之要也 加行不然吾道幾麼矣今禮記所引吾聞諸老聃皆 進者盖三千馬孔子數曰自南宫殺权之乘吾車吾首 王子奉拾遺記曰老君居景室之山與世人絕迹唯老 閱大而危其身者好發人之惡者也為人臣者無以有 已為人子者無以有已自周反魯道彌尊遠方弟子之

狀若龍蛇而西是月融風三扇天理西行知有聖人 說九變長生等經有百萬篇多蔵名山石室秘而未行 皆寫以玉牒級以金繩貯以玉函及金壺汁盡二人乃 多好四月至書 關尹子尹喜仕周昭王為大夫善天文豫占東南真系 影聞聲則蔵形時出金壺器中有黑汁狀若淳漆酒上 欲到心瀝血以代墨馬此乃洛州景山太室少室也所 石皆成篆隷科斗之字記造化人倫之始老君所撰經 今所出者約六千老

飲定四車全書 女同造化君臣民物罔不敗備尊道德小仁義所以尊 關乞出為函谷關令昭王癸丑五月壬午紫氣浮空有 皇帝小王伯大抵以明天道明人道正君心正民心其 **歎章頗類乘贬五伯之風學者疑昭王時伯業表** 以正治國以奇用兵曰偏將軍居左上 以艸樓師事之明年甲寅授道德五千餘言包絡天地 人偶青牛白春車諸子縣乘徐甲為御將度關喜 風則老子也喜曰大道將隱强為我者書遂館終 Ņ 老子翼 一將軍居右凡

按乾象河鼓三星主天子三軍中星大将軍左星左将 者之風亦已見矣此老聖著道徳所以兼功力而言也 指授經為敬王時殊不知夏商之衰民吾大彭承章 之周禮及考穆王内傳言王西還上終南修草樓則知 授經為昭王時明矣關尹亦自者書九篇名關尹子自 自稱伯觀昭王江上不返固不待齊楚秦晉之出而伯 時其徒晉公孫辛鈃字計然學於老子敬王二季壬午 軍右星右將軍夏官上大司馬王五軍大國三軍已載

伴在逐封禹之地當登山壽隱今吳興計籌山是也列 御冠居鄭圃四十季人無識者安王四年著書八篇明 字話得歸當膽圖報吳既治計然曰句践長頭烏喙可 將不利引文子語也句踐不聽敗於夫椒囚石室縣太 諫 日兵凶器戰逆德陰謀逆德好用凶器上帝禁之行 南遊楚平王禮聘問道既而適越范蠡師之授録書十 與共患難不可與共安樂蠡用其策從五湖遊計然亦 二篇名文子有平王問道章句践位以大夫越伐吳蘇

老子翼

老子之道莊周字子休號南華子顯王三十季楚聘為 老子之稱經自漢景帝始也具閥澤對大帝曰許成子 老通家之學後世無傳馬惜哉 子遊應商周亦已久矣其親見猶龍如孔子者可無若 徒皆當時師事老子傅其道各有著述載在典籍然老 相不就隱濠上漆園著書五十三篇名莊子今存三十 三篇若夫原桑楚南樂赴崔瞿柏矩士成綺尹文子之 自司馬選以老韓同傳而老氏之門人失紀遂使孔

镼 班国戴老子都氏有傳傳五 立道學物令朝野悉諷誦馬 原肠子老子莊子皆修身自玩放畅山谷縱汰其心學 久矣今世所傳老子道德經或總為上 灣泊至漢景帝以黃帝老子義體尤深改子為經始 '篇鄰氏四篇徐氏六篇劉向四篇惜乎 故上十二章上四偶故有四十四章 章或七十二章利 老子以 徐氏劉向皆有說傅氏 一下二篇或分 **下** 上 經 法

秋灾四库全書 瀬日道德經唐傅夹考 數根本勘數其字云項羽妄本 洛陽有官本五千六百三十五字王弱本有五千六百 之三家本有五千七百二十二字與韓非喻老相參又 太和中道士冠譙之得之河上丈人本齊處士仇嶽傳 齊武平五年彭城人開項羽妄塚得之安丘望之本魏 不此各異說亦不同蓋莫得而及也觀復高士謝守 五十五字或五千五百九十字并諸家之注多少參差 (十三字或五千六百一十字河上公本有五千三百) 卷二 とこり事によう 例 四千九百九十九言而云析三十輻字為三十以滿五 通局字数而妨文剪文勢而就數皆失其古也司馬遷 杜光庭云五千餘言亦不確定其數文質相半義理兼 其全數也實録君 千則是五千餘矣今道家相傳謂老子為五千丈蓋舉 然歷年既人各信所傳或以他本相參故好戾不一史記 云五千餘言則不定指五千字矣其有刑文約數俯就 司馬遷云老子著書言道德之意五千餘言但不滿六 老子翼

杜光庭箋註六十餘家則有節解上下老 多好四月至書 桐桐 字此人膠柱刻舟執迷不通也 太山羊祜 青七解以 鍾會 注内 修想爾二卷三天法 郎嗣存州 注四卷沙門鳴 觌 明字帝士 河嚴君平指歸十 南陽 時人隱士孫登明二季魏隱士孫登守公 何晏将再 西 二卷沙門僧 注師 四卷 尉魏 蜀漢人成 河 南郭泉字 一公章句漢 名莲 帝時 時観 解與

卷覧 卷四 六隋道 梁簡文帝義十卷 清河張嗣 注號 弼 居陶弘景 疏字 四道 名氏年代隱青溪山無 表深道士實略注 卷作深道士孟安排號表 河南張憑字長宗 一卷具郡徵士顧數 注時 晋人 巷貞 河東非楚恩太 四 常博士 宗與 無果陳道 注四卷梁武帝徒 播注上 孟 年四代卷 博士注四卷、 都深道士孟智 名超 白 不 下唐太史 深道士城 **项子** 翁博 注士

ゴ 今傅英注二卷 洪源先生王鞮 司議郎楊上 士何思遠女指越二 士黎元與作注義 鈕十 +悉道士安丘 人 爾明觀主尹悟什新 卷道士車若獨作孤任真子李崇注上下成都 一善集注真 併 五作 老指 太原少尹王光庭 卷 衛 截 道 士 薛季 昌作金 絕 子 二玄恭珠三 單道士王玄辯 太作 ú 糕道士徐邈 宗義 二十卷吏部侍郎賈至作 相五 法師趙堅六卷旅 巷 法 人作契源道 師宗文明五卷 釋義十卷諫 2四直翰林 i

朝陶隱居南齊顧數皆明理身之道将堅時羅什后趙 士沖虚先生殿中監申甫近然此山道士張君相作 卷疏 士符少明策二卷玄宗皇帝所注道德經上下二 四道士成玄英作講疏漢州刺史王真作論兵述義 澄梁武帝梁道士實略皆明事理因果之 疏二卷龍法即四卷 作志玄龍法即作集解 公嚴君平皆明理國之道松靈仙人 通義郡道士任太女法 人魏代孫登梁

元興皆明重玄之道何晏鍾會杜元凱王輔嗣張嗣羊 朝道士成玄英蔡子晃黄玄隨李榮車玄獨張惠超黎 士孟智周臧玄静陳朝道士諸縣隋朝道士劉進喜唐 女為宗顧數以無為為宗孟智周臧玄静以道德為宗 枯盧氏劉仁會皆明虚極無為理家理國之道此明注 深武帝以非有非無為宗孫登以重玄為宗宗肯之中 解之人意不同也又諸家稟學立宗不同嚴君平以虚 猴氏為妙矣

一 銀定四庫全書

舊唐書藝文志則又有母丘望之相越其程韶王尚蜀 道德經凡言道者類之上卷言德者類之 靈装處思杜獨張憑張嗣臧玄静孟安期孟智周實略 口老子廟中又云唐道士張道相集注道德經七卷月 十家其名存者河上公節解嚴遵王弼何晏郭泉鍾 文明诸柔劉進喜於子見成玄英車惠弼今及之 川董道蔵書志云唐玄宗既注老子始改定章句為 孫登羊枯鸠摩縣什盧景裕劉仁會顧歌陶弘景松 ヨシートニラ 老子里 下卷刻石渦 *

多定匹库全書 盧蔵用那南和馬朝隱白履忠李播尹知章陸徳明陳 允愿陳嗣古任真子馮郭玄景先生楊上器韓社梁武 帝梁簡文帝賈大隱碎問仁諝劉仲融王肅戴從玄宗 才袁真釋忠嚴惠琳義盈沒曠極鍾山傅英楊下 按志稱道相集注四卷而董所收乃有七卷恐後人 集郭泉劉仁會松靈裝處思杜獨張嗣藏玄静竇略宋 **庭玉陸希戲異善經孫思邈李含光四十家而道相所** 明褚柔劉進喜祭子見車恵獨此十四家不者於志

復見其餘諸家僅存玄宗河工公嚴遵陸布蔚四注及 とご可し 聖義亦皆唐人 增也我朝崇寧中再校定道嚴經典此書蔵中已 名存而書亡者十益、 夹所傳古本道德經耳外李約李樂頭清夷各有法 臣公學黃帝老子其本師號曰河上丈人不知其所 一顧等奉玄宗命撰所注經疏杜光庭又從而為廣 ハナラ ,教安期生安期生教毛拿公毛拿公 人並見蔵室始知志所者録猶有去 光子翼 也

漢桓譚曰笞老朋者虛無之言两篇後世好之者以為 金好四月有言 嚴君平卜益成都市人有邪惡非正之問則依着龜為 過於五經自漢文景之君及司馬選皆有是言見楊 依於忠各因勢導之以善裁日閱數人得百錢足自養 客學西為曹相國師鬼处記 言利害與人子言依於孝與人 公樂瑕公教樂臣公樂臣公教蓋公蓋公教於齊高 篇而授老子博覽亡不通依老子嚴周之 (弟言依於順與人 臣言

著書十餘萬言 物將自化易謂之太極春秋謂之元老子謂之道平御 阮籍·者通老論曰道者法自然而為化侯王能守之萬 能言何平叔注老子始成指王見王注精奇過神代曰 以已 里全書 一輔嗣山陽高平人少而察慧十餘歲便好莊老通辨 王漸好言老非當云見獨易注所悟者多秋田獨論道約美不如晏自然出板過之太 人可與論天人之際矣因以所注為道德 是子異

本問强說世 意當謂至理如此今見之正與人意暗同陽秋 周彦倫善言名理每賓客會集周虚席時語詞韻如流 傲然無營家無修石之儲具如也為士 聽者忘倦尤善老易與張思光遇縣以玄言相滯彌日 庚子當饭廓有度量自謂是老莊之徒曰昔未讀此書 タラフロ **阮宣子好老易能言理不喜見俗人** 堪有思理能清言當云三日不讀道德經便覺舌 八時誤相逢即舍去

顔 宗測少 圖 解 瞻成之子也見司徒王戎戎問曰聖人貴名教者 自然其肯同異婚日將無同戎咨嗟良久即命 海鳥横斤山木欲遊名山西掛其祖所畫向子平 語樣思治書本傳 一獅老莊二書自隨子孫拜 Ţ 人間務章玉疑機為多軍答云何為 是子翼 ナカ 莊

王續嗜酒不任事有奴婢數人 開皇末始庵河治間以息身馬賣樂為業人 仲長子光字不曜往來河東傭力自給無室廬經妻 先生傳以自寓識者知其縣解人也有請道者書是易 二字示之彈琴餌樂以終其世 人顯重守令來謁辭以暗疾未嘗交語者獨遊領河渚 汾陰生遊河渚一見而伏曰東方朔管略不如也由 藥草自供以周易老子莊子置狀頭他書單讀也游 八種泰春秋釀酒養是雁 人莫之知

答曰已所不欲勿施於人此言足矣 王希夷隱嵩山師黄賾學養生喜讀周易老子餌松 行業雜花年七十餘筋力不衰刺史盧齊卿就謁問政 况攻異端而增智慮哉帝曰治身則爾治國若何 山東皋者書自號東皋子 '又損以至於無為夫心目所知見每損之尚不能 先生司馬承禎字子微盧天台不出唇宗 ,既至引入中掖廷問其術對曰為道日損

| 銀定四庫全書 干三百八十言為老子經因利正文句定者老子利定文句見新唐書隱逸傳舊書本傳云玄宗 馬而天下治帝嗟嘆曰廣成之言也開元中再召至都 玄宗詔於王屋山置壇室以居善篆隷帝 國猶身也故游心於淡合氣於漠與物自然而無私 军相遣通事人問其故奏曰臣聞老君言禮者忠信 不足可依山臣鴻 字類然隱於萬山開元六年徵至東都謁見下 奏上之 卷至 敢以忠信奉見隱逸傳 見傷唐書 命以三體爲 Ŧ

宗元先生異药爲中之 台玄宗遣使徵之 八系會稽人 宜留 割 當問 為高士峰 人故 价銀之田 意與舊唐 復道 問對 日 神 仙治煉曰此野人事深於道者無如老子 公詞莫說徒費級割耳 石為硯註老子彌年不出人號其所 既至問以道 老子贯 /儒士也入嵩山為道士久之 人事 横歲月求 之非人老子五千文 其餘徒喪 法對曰道法之 見酱唐 伸新 Í 書本傳云 松百

發定匹庫全書 ...< 武帝二主受惑卒無所得上深然之 唐憲宗顧字臣曰神仙之事信乎李藩對曰神仙之說 氏之用失於太過故欲絕聖弃智申韓失老氏之名而 道以為體名以為用無為無不為而格於皇極者也楊 無異彼代好怪之流假託老子神仙之說故秦始皇漢 出於道家道家所宗老子五千文為本老子指歸與經 朱宗老氏之體失於不及以至於貴身賤物莊周述老 相陸希靜者道德經傳四卷其序略云夫老氏之術)見舊唐書 憲宗紀

之教老氏擬議伏義彌給黃帝冒天下以道德之化此 老氏察太易七八之正致柔守静而統之以大此與文 王通其宗也孔子祖述充舜憲章文武尊斯民以仁義 六子者皆老氏之罪人也乃為述傅以暢宗旨又云昔 其原也文王觀太易九六之動貴剛尚變而要之以中 樊於苛繳刻急王何失老氏之道而流於虚無放誕此 伏羲氏畫八卦參萬物窮性命之理順道德之和老氏 天地本陰陽推性命之極原道德之與此與伏義同 老子翼

神者矣 侯行果為會橋康子元及平陽敬會真於說說籍 開元初記中書令張說舉能治易老莊者集賢直學士 失此流俗之言也以我觀之六經乃黃老之枝葉爾 與孔子合其權也此三君子者聖人之極也老氏皆戀 此書為神仙虚無言又抵太史遷先黄老而後六經之 **唐兵部郎李約勉之子也注道德經四卷其該謂世傳** 而通之反而合之研至變之機探至精之歸斯可謂至

たとりをいます 子理身之要廣成子云無視無聽抱神以静形將自正 者上為皇下為王玄元語孔子云去子之騎氣與多慾 樂馬朝隱同進講能推索老莊秘義會真亦善老子 若廣成玄元人之聖者莫若軒皇孔子答軒皇問廣成 每政篇先重盟乃讀馬等傳書 神將自清無勞子形無搖子精乃可長生又云得吾道 李衛公德裕諫敬宗搜訪道士疏曰臣聞道之高者莫 並得侍讀俄並兼集賢侍講學士始行果會真及長 老子翼

金公正月月 香山白文公居易曰夫欲使人情儉樸時俗清和莫先 出於此紀季文 軒皇發謂天之嘆孔子與猶龍之感前聖於道不其至 乎若使廣成玄元混迹而至語陛下之道以臣度思無 態色與淫志是皆無益于子之身吾所告子若是已故 不役智能而已盖善用之者雖一邑一郡一 於體黃老之道也其道在乎尚寬簡務儉素不脏聰察 下皆可以致清静之理馬谷安殿得之故不下堂而單 國至于天

12 10 mm / 12 1 後不知所終見五代史 張薦明少以儒學遊河朔後去為道士通老子莊周之 之故獄市勿擾齊國大和漢文得之故刑罰不用而天 物而為言得其極者尸居在席之間可以治天下高祖 父之人化汲黯得之故不出閉而束海之政成曹祭得 **說晉高祖召見問道家可以治國乎對曰道也者妙萬** 大其言延入內殿講道德經拜以為師賜號通玄先生 大理其故無他清静之所致耳見白氏 老子翼 盂

多玩匹库全書 太祖征太原駐躍鎮陽聞道士蘇澄隱五代之際屢聘 不得已而用之未當不三復以為規戒 為而民自化我無欲而民自樸無為無欲凝神泰和昔 臣養生不過精思鍊氣爾帝王則異於是老子曰我無 不至召見于行官澄隱時年八十太祖問以養生對曰 傅 高 太宗語近臣曰朕讀老子至住兵者不祥之器聖人 唐堯享國永季得此道也太祖說其言吸應此

大きのしたます 海蟾种放給方外友事陳希夷先生無夢多得微古久 老氏五千言清静而簡約張知白曰陛下留意於此乃 群還山賜金帛處士號並不受題高 之入天台山真宗召對問以長久之策無夢白臣野人 玉清昭應官使王曾請校三館道經上因言其書不如 也山中當誦老子周易而已不知其他除著作佐郎固 鴻淡子張無夢字靈隱好清虚窮老易入華山與劉 ·蘇陳忠肅公瓘嘗著書二十餘篇曰昭語其序略云 老子翼 麦

五分正是分言 陳忠肅公曰老子言天 言治大國岩烹小鮮去 國無然ブ 以贻後世也見成 相濟如丘明之才乃仲尼之尺木乎故能發揮 為階也抑有無位之聖韜先之賢以名迹相奏以材 層都也尹喜之 人木對序回龍之興也陷於木也君之 /賢乃老明之 人烹魚者無所事於煩之也制 下神器不可為也為者敗之

慕文景不可復得然則黃老亦何負於天下哉又曰疏 帝點黃老而用儒術未當不本於仁義而觀其實效則 歐陽文忠公脩曰前後之相隨長短之相形推而廣之 後悔於是父子相随移病而歸當時賢之後世追誦然 廣謂受曰知足不辱知止不殆官成名立而不去懼 不異於始皇者幾希當此之時天下不一日而無事思 其知止之意發於老氏顯其 /齊以熟之而已舜無為而治其不以此與又曰武 Ę

金定四庫全書 嘗毀葢以謂譽之則後世之士獨其和光同歷之說而 之治不可易也異本 萬物之理皆然也然老子為書其言雖若虚無而於治 流入於不羈毀之則清靜為天下正之論其可毀乎既 人之術至矣又曰道家者流本清虚去健美泊然自守 延平先生羅從彦仲素曰老子之書孔子未當舉亦未 故曰我無為而民自化我好静而民自正雖聖人南面 不譽又不毀其可不略言故止謂竊比於我老彭先軍

アニヨミニティ 信而好古乎答曰老氏以自然為宗謂之不作可也見龜 柴陽日公希哲當大書治人事天莫若嗇於前坐壁上 龜山曰私意去畫然後可以應世老子曰公乃王與語 身保家安邦之道不越於此不止養生也解除 非謂彭之壽而謂之老彭也然老氏之書果述而不作 或問龜山楊文靖公時曰說者謂老彭乃老氏與彭簽 云修養家以此為養生要術然事事保謹常令有餘時 老子翼

到反匹库全書 於道家當竊論之黃帝老子之道本也方士之言未 家者派本出於黄帝老子其道以清靜無為為宗以虚 又益公堂記云曹麥為齊相聞膠西盖公善治黄老言 東坡蘇文忠公軾奉紹撰广 明應物為用以慈儉不爭為行合於易何思何處論語 仁者静毒之説自秦漢以來始用方士言乃有飛仙變 之術黃庭大洞之法太上天真木公金母之號天皇)紫微比極之犯下至於丹樂奇技符發小數皆歸 一清儲祥官碑云臣謹按道

钦定四車全書 一蘇子由自題老子解後云子年四十有二滴居筠州筠 記其所終豈非古之至人得道而不死者數俱本 使人請之用其言而齊大治其後以其所以治齊者治 山南公之孫也行高而心通喜從子遊當與子談道予 雖小州而多古禪利四方遊僧聚馬有道全者往黃檗 天下天下至今稱賢馬吾為膠西守知公之為邦人也 求其墳墓子孫而不可得慨然懷之師其言想見其為 人夫曹參為漢宗臣而蓋公為之師可謂盛矣而史不

强以誣之顧誠有之而世莫知耳儒佛之不相通如胡 漢之不相諳也子亦何由而知之全曰試為我言其略 儒者何自得之子曰不然子泰聞道儒者之所無何苦 告之曰子所談者予于儒書已得之矣全曰此佛法也 育馬此非佛法而何顧所從言之異耳全曰何以言之 怒哀樂未發謂之中發而皆中節謂之和中也者天下 予曰孔子之孫子思子思之書曰中庸中庸之言曰喜 之大本和也者天下之達道也致中和天地位馬萬物

ピラロノノー

欽定四軍全書 善不思惡則喜怒哀樂之未發也蓋中者佛性之異名 予曰六祖有言不思善不思惡方是時也就是汝本來 不知道則世之俗儒不足貴也居山林木食澗飲而心 於其間此非佛法何以當之全驚喜曰吾初不知也今 而後始知儒佛一法也子笑曰不然天下固無二道而 而和者六度萬行之總目也致中極和而天地萬物生 面目自六祖以來人以此言悟入者太半矣所謂不思 所以治人則異君臣父子之間非禮法則亂知禮法而 女子翼

中心行道而不致法而後可耳全作禮曰此至論也是 避追于藤州相從十餘日語及平生舊學子瞻謂子子 無可與語思復見全而示之故書之老子之末大觀二 時子方解老子每出一章輔以示全全縣嘆口皆佛說 年十二月十日子由題又曰子答南遷海康與子瞻兄 也凡老子解亦時有所刊定未有不與佛法合者時人 存至道雖為人天師可也而以之治世則亂古之聖人 也予居筠五年而北歸全不久亦化去逮今二十餘年

差若不及子至海康問居無事凡所為書多所更定乃 和元年冬得姓邁等所編先公手澤其一曰昨日子由 所作詩傳春秋傳古史三書皆古人所未至惟解老子 此書則佛老不為二不意老年見此奇特然後知此書 寄老子新解讀之不盡卷廢卷而嘆使戰國有此書則 疾不起逮今十餘年竟不知此書于子瞻為可否也政 再録老子書以寄子瞻自是家恩歸北子瞻至毗陵得 教韓非使漢初有此書則孔老為一使晉宋問有 老子翼

弘定四庫全書 老子數篇曰高於孟子二三等矣又曰言至道無如五 眉山蘇籀頹濱文定公之孫也記其遺言曰公為籀講 當子瞻意然子自居顏川十年之間於此四書復多所 以前說為定今日以益老自以為足矣欲復質之子瞻 删改以為聖人之言非 干文又曰公老年作詩云近存八十 而不可得言及於此涕泗而已十二月十一子由再題 下人蓋老而所造益妙録録者莫測矣見過 一讀所能了故每有所得不敢 一章注從道老朋

たこうにから 古不今迎隨孰知其首尾失之其出獨遠至實秘於荆 書完其微言中有妙物唯恍唯惚視聽莫得以見聞不 吕吉甫作道德經傳成以元豐元年表進於朝曰臣恵 卿言臣聞庖丁奏刀得養生於文恵輪扁釋鐅議讀書 於齊桓志之不分道或有在臣誠惶誠懼頓首頓首臣 **糖以大制散於智慧之偽含生失其性情之初爰有真** 聞莊周指謂神農而上谷神不死列子稱為黃帝之 起明至教獨推原於道德盖祖述於典墳是以雜大 老子翼

金质四月全書 指其指不殊曹祭師於盖公而相齊國孝文傅之河下 華胥之國唐堯姑射之山皆極至遊遂臻泰定此書之 山而莫知悟之不召自來玄珠索之象罔而可得軒轅 而為漢宗僅得淺膚猶幾康阜夫唯俗學不識道真徒 不知靈府之間有若清眸之上雖留金屑亦翳神光 用調絕學則無憂等於禽情謂絕聖則無法等於鴻荒 不尚賢則謂遗之野而不收不貴貨則謂弃諸地而不 見其文有異詩書之迹莫知其指乃是皇王之宗故聞

觀以考其散殊又損而期於陷合維日不足歷年於茲 將齊心服形而捐治物養已之累深根固帶以趣長生 神伏惟皇帝陛下以高真之質而出應君師以妙本之 遂以允聖之信言列於百家之珍説發茲微學宜屬至 令善惡之兩遺而極沖虚之 餘而形為事業蠱飭而庶政交舉革當而四方已孚方 久視之門同天下於華胥見神人於姑射深造其極適 事時臣性維顯蒙生足憂患每思朝衛以解天弢汎 老子翼 致兹難情度宜使智迷

清中冥冥而見曉遂以其意達之於辭雖云自安未知 晚於斯文忽若有得即動而静物芸芸而歸根由濁以 傳凡計四冊謹奉表投進以聞臣惠卿誠惶誠懼頓首 占中否龍隨章散固難知其上天馬以智專因可取於 州路安撫使馬步軍都總管兼知定州軍州事及管內 **頍首謹言元豐元年正月日資政殿學士通議大夫定** 辨道倘有一言之補敢辭萬死之誅所著老子道德經 其可竊調至人之静鑑實為學者之元龜敢用冒聞以

多定匹库全書

恵卿上 以誠心而問老子之所以誠意而言精微之義要妙 陸陷山農師曰自秦以來性命之學不講於世而道德 之梨久矣世之學者不幸蔽於不該不禍一曲之書而 1... 10 mat / 1. than 1 諸解 家獨 醇古人之大體也子深悲之以為道德者關尹之 泪於傳注之界以自失其性命之情不復知天地之 一表其歲而一成統遂大悟性命之理故其老莊一夫按李彦平先生遗書云吕吉甫讀莊子至参 |輕車都尉東平縣開國伯食邑八百戶臣日 老子翼 至

五分四屋 有言 意雖然聖人之在下多矣其者書以道德之意非獨之 於傳注之里千有餘年尚昧故為作傳以發其既昧之 眉山唐庚子西曰世疑老子西遊以謂有慈有儉有不 之解述列莊之詳合而論之庶幾不失道德之意思經 子也蓋約而為老子詳而為列子又其詳為莊子故予 理多有之而可以啟學之敝使之復性命之情不幸亂 為天下先持是道以遊於世何所不容而猶有所去就 邪是大不然惟其無往而不容則雖蠻貊之邦行矣此

者仁義禮之大全而仁義者道德之一偏黄老之學貴 合而,贱離故以道為本六經之教於渾者略於散 人之義以宜之禮以體之天也合則渾雜則散蓋道德 是乎以臣觀之不然彼實有見而發耳孟子曰仁者人 也合而言之道也揚子亦曰道以導之德以得之仁以 淮海春觀曰班固赞司馬遷以為是非頗謬於聖人 所以為老氏児媽 (道則先黃老而後六經孰謂遷之高才博洽而至於

之流也子房始遊下邳受書於比上老人終日願弃 精治身以緒餘治天下功成事遂奉身而退道家之流 學其言熒惑之入秦彗星之減晉與夫兔出後宮姚與 過之以臣觀之治曾不及首賈何敢望子房平夫以其 也觀天文察時變以輔人事明於末而不知本陰陽家 非有見於此而發哉又曰史稱崔浩自比張良謂稽古 -義禮為用遷之論大道也先黃老而後六經豈 松遊則其術蓋出於道家也浩精於術數之

マニンフラー ノーチョ **最文元公回口古今名賢多好讀老莊之書以其無為** 獻女之事尤異及點莊老乃以為矯誣之言則其称蓋 又曰老子曰知常曰明處世之人止知晝夜是常而人 目盲五音令人耳聾五味令人口爽雖聖人嬌激太過 出於陰陽而已此其所以不同也海集 無事之中有至美至樂之理也又曰老子曰五色令人 而善利之心極於深切人能不耽耳目之娛不縱口腹 /美勿問有得決定無失 老子翼 徳 新編 網

高山景适生電說之曰伏義文王周公贊易之 金玩匹母全書 如故出世之人以生死為晝夜又知生死是常而性如 之屬也亦有妄乎類樣居 其鈍而自小也亦曰吾師亦嘗云爾佛之說吾不能詳 故是以明心坦然視生死而無怖與着智 也佛者曰孔子吾師之弟子也為孔子者習聞其說樂 野江李泰伯曰韓退之有言老者曰孔子吾師之弟子 丁問老子列傳則有問禮之事史未足盡信禮記經 冬三

言乃不知常善救人故無弃人常善救物故無弃物獨 禮不能自用必待道以用之天地萬物各得其一豈特 得諸河上公而古本無有也賴傅英能辨之爾與本 有功於老子哉凡百學者蓋不可不知乎此也又曰弱 知住兵者不祥之器至於戰勝以喪禮處之非老子之 立言幸平此書之存也又曰王阿注老子道德經二篇 氏得易之變通屈伸知柔而貴虚務應而不得殷勤以 真得老子之學數蓋嚴君平指歸之流也其言仁義與 ピチ属

豈有量哉彼徒見髮毛爪齒歸於地涕唾津液歸於水 書照寧中因召見進呈御筆獎諭又有所注南華經章 蓋采摭古諸家注疏之精微而泰以師傅之秘集而成 碧虚子陳景元師事張鴻港當著道德經蔵室暴微篇 不亡者壽釋氏所謂無量毒三聖人者其言雖異其意 **句音義凡二十餘卷今並入藏微篇序道歲目録** 則同蓋仁者盡性盡性則死而不亡死而不亡則其壽 谿堂謝逸壽亭記曰孔子所謂仁者壽老子所謂死而

多定匹庫全書

常存未當死也見彩 教鼻間栩栩然是已莊子曰真人之息以踵衆人之息 暖氣歸火動轉歸風而以為其人真死矣然不知湛然 曰非出入則無以生長肚老已非升降則無以生長化 以喉屈服者其监言若哇其嗜怨深者其天機淺素問 之所由以出入綿綿若存用之不勤則其息深矣孫叔 /鄉鄒忠公浩曰玄北之門取諸吾身則鼻也鼻者息 藏升降出入無罷不有四者之有而貴常守知此然 ピチ提

易之用論文中子謂佛為西方之聖人不以為過紀即 绿見 則骨自强 西塘鄭俠曰俠聞之老子曰知足不辱知止不殆易 之為言也知進而不知退知存而不知亡知得而 知谷神之所以不死又曰虚其心則腹自實弱其志 伯温曰康節先公以老子為知易之體以孟子為 知進退存亡而不失其正者其唯聖人乎然則進 鄉集道

鼓定四庫全書

肖久矣其細也夫肖也者以所養者小故也俗之所養 道大笑之不笑不足以為道又曰惟道大故似不肖若 進退存亡一歸於道時止則止時行則行孰不一致哉 無非小是以大者為不肖是皆未足與語夫道又曰道 又曰上士聞道勤而行之中士聞道若存者亡下士聞 止之難而聖人丁寧讚歎之深乎曰是皆一也進退有 則進不易而退不難存亡有道則存不喜而亡不憂

退存亡得喪之理其不一致乎何其知退知亡知足知

一致定四庫全書 卒之不肖下士聞之笑而後底幾夫道不笑則不足以 世俗不相似故天下皆謂我道大似不肖蓋衆方察察 長而至於大之謂也至而不知其為大則同於道而與 **髮較而錐競我獨悶悶以天下為不足為者宜乎其不** 相似故能成其大大而有之其去世俗不能以寸矣故 大而物小人之訾訾而卒乎小者累于物也元者善之 於道然則汨之隨變則臭腐濁穢不可以濯足亦其自 為道也又曰水善利萬物又不爭處聚人之所惡故幾

我性而濁且亂者亦自我之有以來之也去其泪且感 こうし ノートラ 物感之是以如是其亂也徐而明之可以燭日月夫曏 者而清明在躬然後揚波漏泥與之偕而莫吾能化也 以其莫吾能化彼將寖寖以明潔而莫之知子力馬又 取 也清汨之則濁濁而徐之復清曏也明惑之則亂亂而 也徐而清之可以鑒毛髮人之識明以其出於物也而 曰水之性清以其出於土也而土汨之是以如是其濁 不幾於惡乎思復性者以是為鑒知夫清且明者自 是子買

弘定四库全書 葉夢得曰刑書斷自堯舜而易獨及伏義神農黃帝 徐之復明也是濁且亂者常自外加我而清且明者在 本儒學以孔氏為宗得老氏之說以明強親西 而致所以濟之者云耳入當自作大慶居士序曰居士 遇王而王而衰周以降乃有三氏之教其實憂世之溺 乎又曰三代而上無有孔孟老莊釋氏之教遇帝而帝 雨露之在天地細故也而猶平均如是况於人之靈識 我而已經曰天地相合以降甘露人莫之令而自均夫

儀素過於桀紂終不及老氏乃其言盡心知性以至於 者孟子孟子之於儒蓋秋毫不以少亂也其拒楊墨排 帝至於堯舜世而相傳者皆不出乎易退而質諸老氏 之故非天下之至神孰能與於此然後知伏義神農黃 命則老氏之所深致意也然後知老氏之書孔孟所未 後知堯而上蓋有其人六經存而不論當試會之以心 則與易異者無幾又曰論語記竊此於我老彭後孔子 則其説曰易無思也無為也寂然不動感而遂通天下 老子翼

到反匹库全書 葉夢得日老氏論氣欲專氣致柔如嬰兒孟子論氣以 荒遠深妙而要其至到與老氏殆相為表裏經則 曹廢入曰老氏之書其與孔子異者皆矯世之辭而所 至大至剛直養而無害充塞乎天地之間二者正相反 從老氏則廢孟子從孟子則廢老氏以吾觀之二說正 剛不可以勝剛勝剛者必以柔則專氣者乃所以為直 不相反人氣散之則與物敵而剛專之則反於已而柔 同者皆合於易後老氏數百年復有佛氏者出其群益

Caller Like 子之守約約之至積而反於微則直養者乃所以為柔 存者而老子抱純素之道與時偕極必待感而後應故 物不滯為用以慈儉謙下不爭為行以無欲無事不先 董思靖云老子之道以清淨無為自然為宗以虚明應 也蓋知道之至者本自無二見石林嚴 也直養而無害於外則不惟持其志母暴其氣當如曾 之治可復也以其所值之時俗尚文勝淳朴之風無復 天以開人為治其於治身治人也至矣如用之則太古 老子買

墜故西關何駕東魯見龍而書與言之尚存也河上大 之異俗則其假當時處後世之心何如我猶幸斯文不 不得位以推是於天下蓋知夫時數之有所忤也然終 用於一身則在我之天下已義皇矣及其道之有所授 則孝文以之為君子房以之佐漢曹多以之相齊果能 人黄石公樂臣公益公之徒益能究其古而體之斂厥 不能恝然道之無傳是以有教無類而且賭賭於西方 脉於苛秦之後吁亦一 一驗也然使又有進於是如

金分四月八十

墮於優游姑息遂有清虚不及用之譏故不經而子視 不知致察於虚極靜為之時存乎體之至嚴至密者以 其人義皇之則義皇矣或者見是書詞意含洪寬大而 輻共一穀為取五蔵各有六氣之象及準一月火符之 则采鉛之方沖字從水從中乃喻氣中真一之水三十 之嗚呼惜哉或謂微言隱許多寓其間以故首章有無 在二丹神氣水火也虚心實腹則鍊鉛之音用兵善戰 為庶政庶事之本乃徒務為悶悶若昏之量而習弊反

欽定四庫全書 邵若愚 號本來子紹與中作老子解序其首曰據史記 皇帝五千言不言藥不言仙不言白日升青天亦確論 數如斯等義今皆略之何則性由自悟術假師傅使其 老子為守嚴室之史周衰遂去關令尹喜曰子將隱矣 外妙入環中遽容以他説小數雜之乎白樂天云玄元 上為足明哉况是經標道德之宗暢無為之旨高起象 果寓微旨亦必已成之士口授纖悉然後無惑區區紙 卷月

是不中事也如是胸懷應註語言散失者不欲備舉由 俗之言今除去又不知何人不審正文前後本意分為 無法只如注玄牝為口鼻是不中理也死之後為涅槃 亦除去此書箋注者多雖能於理則不中雖辯於事則 卷說道下卷說他今以理考道德混說無分上下此流 而去莫知其所終緣史有上下篇目之文後人因之上 强為我著書於是著書上下篇言道德之意五千餘言 八十一章惟務其華圖象陽數此皆戲論無益於人今 ピチリ

一到定四库全書 徒不可與言至道如抱朴子第八卷云五千文雖出老 味為恬淡爣來適去為自然休妻獨寢為清靜如此之 按據者也益其人多言房中黃白之術執有為為事將 為精以鈍濁為樸遲速為性拱手不動為無為不食滋 所謂過其門而不入其室也又多以術為道者認穢汁 為基本本立而道生以其漸也豈可殢德而不進道此 子然皆汎論較略耳其中了不肯首尾全舉其事有何 其未至於道也孔子志於道緣道無形故據於德以德

若不進道何異大棒耳此非論說是非恐婦神仙之術 ... 17... 1.1. 之人居止三山不離於地跨鸞朝帝亦不離天居天地 益也老子所著長生人視務在進道而不專取且神仙 隱形變化物象在禁為妖孔子不語怪力亂神以其無 子者乎又直以輕舉者為上士修道德者其次夫舉身 不進於道也 好利淫心測度無為之道是故不知首尾又况不及此 間九九然毒千萬歲暫時易短為長報盡還復於死 티

所紀者可道之道耳又離而為德恐無是義余曰道德 金定四庫全書 章不倫亦頗疑後人析之也曰道無所不該而五千文 或問老子者書有道德篇當時所述數後人詮次數余 名道而實非道也五經之所言言其略老明列禦冠莊 嚴谷山人江東曰夫道皆然難言哉謂之道者蓋假以 周之所言言其詳詳略雖殊皆有以明道之本題又曰 今所傳大同而小異考其義一也唯次序先後與今篇 曰此不得而知也余替於蔵書家見古文老子其言與 卷.2 三.3 也其為水有異乎江河之傾注與溝灣之湍激固不同 子亦欲蹈之乎曰願聞其古曰聞之無乎不在之謂道 吾當讀五經諸子凡言道德皆有小大後先之辨不可 自其所得之謂德道者人之所共由德者人之所自得 也武以水為喻夫湖海之涵浸與均堂之所畜固不同 **槩舉可及而知也余曰莊周言一曲之士判天地之美** 實同而名異曰道曰德亦何所不可也曰惡有是言哉 析萬物之理本於道德之不一重嘆後之學者為不幸

と子は

成而道隱故聖人則備道全美君子則明道全德茲所 成而有立進德者至於德萬於道則同於初矣由是觀 有成虧有成虧者昭昭於心目之間豈無所親邪合乎 者之於道會之以心視之以神斟酌能滿使自足則德 以為異也曰道妙無形德審有所親子曰道無方體德 之道非有餘於德也道散而德彰德非不足於道也德 河溝淪自其所得如是也謂之實同名異詎不信然學 也其為水有異乎水猶道也無乎不之而湖海均堂江

私定匹庫全書

名德有定體老子之出當道街之變其立言皆以明至 CA. JOHN LIGHT 當之歸言雖不一如首有尾稽其至也何彼此之辨問 自十言之則出乎生死者一而已一者謂何意復命之 道則無徳之可名別於德則有名之可辨故曰道無常 人乎士之志於道者能修身以俟之直而推之曲而任 徒十有三死之徒十有三動之死地十有三三三而九 而復死始終之端如循環無窮老氏言出生入死生之 又曰生於心者不窮是以命於身者無已死而復生生 老子翼 哭

金万匹是石雪 言而未得其所以言且四肢百骸五臟六腑該而存馬 皆備而取之足豈不抵忤邪余曰子未之思也子得其 誠樂莫大馬或厭其身之為患而非其有或貴其身之 軻皆古之得道者也其立言各欲取信後世何自相該 者謂之身視聽言貌思性所有也亦謂之身身之名則 忤如此 明曰吾有大患為吾有身禦怒曰內觀者取信 之庶幾乎可以語此嗣又曰或問老明列樂悉莊周孟 於身周曰吾身非吾有軻則曰萬物皆備於我反身而

次至 車全事 |鑒孰有不備於我者乎孰有不足於身者乎以是言之 老明莊周之言身不得不使之無列禦兔孟軻之言身 皆備当內觀馬可以取足高之於天界之於地俯仰洞 則四肢百骸五臟六腑有之則有患無之則無患故不 即體而言之者禦冠孟軻益即性而言之者即體言之 **嘿不見而已即性言之則視聽言貌思一理所該萬物** 可使之有也而所謂無者非亡失而身之謂凡動作語 而所以為身者殊有所謂體有所謂性老明脏周蓋 . 老子翼

息又曰莊周言養形之士吹的呼吸此特其淺浅者爾問 氣則知所以入道知所以入道則抱一禪定固無殊致 謂沖氣者也子知所以守息則知所以養氣知所以養 也老子曰綿綿若存用之不動子歸而求之斯有得也 左右隨子午以消長者是也其運如未當止之輪其旋 如不可盡之環與元氣交通晝夜不息老子列禦冠所 不得不使之觀則又曰或問何者為息余曰循陰陽以 .俱妙益本於襲氣母老子曰玄牝之門是為天地

善之所歸萬法之所宗人能外息諸縁冥心於無則與 術教諸生紹與問大臣薦於朝名對竟力辭還里士論 道俱矣其歸一致若所謂坐忘息氣面壁果殊途哉柔 有生形色外具心意內知必使之無者何哉蓋無者萬 字仲長三衢人嚴谷山人則其自號也養素丘園以經 曰及吾無身吾有何患瞿曇曰無眼耳鼻舌身意人之 不死之道本於是乎嗣又口孔子曰母意母我老子 /並見嚴

本而不知無為者如何其無為也意謂解縱法度拱手 言世故者亦非其或短於此也故師老子而得者為漢 其要用其長故也至於西晉則聞其言常以無為為治 老通言大昌以劄子繳納其略曰夫老子之可重者何 文帝葢其為治大抵清心寡欲而淵默朴厚以涵養天 也東執福要而能以道御物是其長也貴無贱有而早 光廟在潛邱程文簡公大昌時為官僚當索其所著易 下其非不事事之謂也則漢以大治而基業綿固者得

致定匹庫全書

道器與孔子下學上達之語而參言益道器學達可從 上下立為形容正如燒火新能生焰是上形之道必資 藩盛德録內一篇曰其舊得侍談凡及大道常取易繫 則老子之精言妙道皆在殿下運用之中矣又當者潛 而以西漢為法鑒其談治之略而以西晉不事事為戒 通論之曰清虚長而晉室亂非老子之罪也盖不得其 要而珠其所長也區區之意深望殿下采其東要之理

無管可以坐治無何紀綱大壞而天下因以大亂故王

飲定四庫全書 自起火焰者那又曰今道士修老子教者舍道本不言 禮樂刑政而天下可以自治馬耳天下當有無新而能 ·藉於老莊矣然老莊之書言微趣深助發道秘尤為精 能炎能上者也六經論孟說器多而說道少是蓄新以 要尚能博取當大有補特不可如晉人談虚直謂弃捐 已多不必贅言者也儒者之於求道自有六經宜若無 求生焰者也老莊之書說無多於說有是謂六經說新 下形之器學乎下可以達乎上是新雖廳實而其英華

たこうさんう 嘉居易之談老子能得要妙也並見 家以老子為教祖而八十一章自清淨寡欲之外別無 言樂不言仙不言白日升青天玄元皇帝即老子也道 永嘉鄭伯熊景望曰葢公治黄老曹相國參用於齊而 邪恭衆聖諭以某言為是且明誦白詩上語全丈益深 居易詩語能明其確曰何况玄元皇帝道徳五千言不 而及方藥祈禳等事其論失本意又益太遠惟唐人白 語他及如何繁空妄云有樂有仙及祈禳勝厭等事 Ę 女子翼

薛蕙君采作老子集解成高叔嗣序之曰毫老子所産 超誕也見鄭先 是者而皆黄老言何哉益今道家所該清淨者捨此而 作薄滋味而心和氣平百病不侵節以備其無推以散 稱治儒家多些黃老言何哉吾當杜門終日點坐謹動 推之天下有餘地何獨數百里之齊孔孟之術豈有外 其有不妄求不過憂而老者稱者安於恬淡當意此理 初老子者書言天道玄虚自漢以下莫能避其本旨

金好四月百言

沙里里全島 乾元用九乃見天則 盡剛而能柔天之道也此與老子 老子之道則燦然大明書成嘉靖九年歲在原寅之次 始覃思大道之原究意天人之一折東羣言合於榘度 咸窥見一 仲尼之門罕言天道是以後世無得聞馬然周易乾久 序曰大道之歸一致而百處聖人之吉同情而異言昔 摩龍無首則吉而仲尼贊之曰用九天德不可為首也 配象六龍始於勿用終於窮亢不以吉凶告人用九見 偏說縣此起故其書日離州人薛考功先生 老子翼

禮樂有過於老子者乎然而非不知天也言陰陽剛柔 故世之學老子者則經儒學儒學亦經老子夫知人 同其所言者學者之所信也所不言者學者之所疑也 有過於孔子者乎然而非不知人也顧聖人示人有不 何異故稱吾見老子其猶龍乎夫學者獨患不知天人 不知天者近乎愚知天而不知人者近乎誣奈何以此 聖人也或曰老子養生之書夫聖人之道內之以養 不知天人之一則其識聖人者陋矣自古言仁義

生としている

「義加精微要以至道協於大中縣漢以來言老子者蓋 其身則壽而康外之以理乎物則順而治理王之事同 至是決矣顧世莫有與知老子者又孰以知先生之注 卷藏於家子録其副馬又曰考功薛先生既屛居亳一 之甚者先生意未覃盡時復損益丁酉乃成視予讀之 紀致崇於學庚寅始注老子號曰集解余為序其書刊 條共貫豈有他哉作者既皆已沒景響仆絕所謂其人 與骨皆已朽者神而明之存乎其人辞氏老子集解二 そ子製

銀定匹庫全書 事爾朴而不華後世弗能用也誠竊之亦足寡營而致 序四始余少讀老子謂猶皇帝王伯之降所言殆上皇 是遂為儒家所訟置為養生之書其徒守之至言湮晦 辭所出抑揚已甚縣不能通愚者欲信之助以靈異絲 治肚益讀之則見與聖人之道亡抵牾可施於世特其 要之古之聖人所學咸脩已治人之事或得有淺深見 有純駁爾奈何絕去使世諱言之老子之書殆於息矣 余懷此意未有以明其後仕都質之今祭酒武城王純

言異彼生於周末睹文之盛也疾欲還之古故激言之 て、うしていうう 言道也猶人之名天也中國謂之天矣彼匈奴則謂之 禮云禮云玉帛云乎哉禮與其奢也寧偷而明則曰禮 者忠信之薄而亂之首也故激如此去仲尼之解遠矣 激則不能無過中已試言之仲尼曰人而不仁如禮何 父先生孔老所以異奈何純父谷之明與足父意同而 他日仕山西復質之今京尹曹徳芳先生其言聖人之 故尼父之書誦法萬世而明卒廢而為它也余藏其續 老子以

金定四母全書 乎益二先生皆深於老子者今以觀考功之注尤信易 記往往已驚豈但老子邪嗚呼難言矣百世倘有其人 大傳曰天下同歸而殊塗一致而百慮學者習而常聞 撑犂豈有二哉特其辭異耳天固不自知而人强名之 又爭辨之故學者誠求至於道凡支言可忘也達哉言 固自知之余何暇置譽毀哉記二先生之語篇首復作 如不見其同與一獨以其異也遽該訶之蓋讀其篇未

炊黍鉤我信口大嚼未服辨也撒案而後問曰豈稻梁 弃之哉何也至飽者各足而真践者無擇也恭當北學 人食稻而甘北人食黍而甘此一南一北者未始相美 李宏甫刻子由解於金陵題其後曰食之於飽一也南 老猶稻泰之於南北也足乎此者雖無美於彼而顧可 三日絕糧七日鐵凍困路望主人而向往馬主人憐我 而食於主人之家矣其初益不知其美也天寒大雨雪 也然使兩者易地而食馬則又未始相弃也道之於孔

惟县美故甚飽子今以往更不作稻粱想亦不作黍稷 欽定四庫全書 想矣予聞之慨然而嘆使予之於道若今者之望食則 也歟奚其有此美也主人笑曰此黍稷也與稻梁埒 今之黍稷也非有異於向之黍稷者也惟甚饑故甚美 子由之引中庸曰喜怒哀樂之未發謂之中夫未發之 子由老子解於焦弱族氏解老子者聚矣而子由最高 孔老服擇乎自此發情學道窮日夜不寢不食而時獲 萬物之與宋自明道以後逓相傳授每今門弟子 卷三 老子以

斷斷乎不可一日去手也解成示道全當道全意寄子 李宏甫先生既刻子由老子解適年復自著解老二卷 嗟夫亦惟真錢而後能得之也萬歷二年冬十二月二 瞻又當子瞻意今去子由五百餘年不意復見此奇特 中宜其善發老子之藴使五千餘言爛然如皎日學者 序曰當讀韓非解老未始不為非惜也以非之才而卒 十日宏甫題 其氣象為何如者也子由乃獨得微言於殘篇斷簡之

家是以仁不足爱而禮不足敬韓非氏得其所以輕天 治天下國家者也老子之學果如是夫老子者非能治 見殺於秦安在其為善解老也是宣無為之謂哉夫彼 之而不治乃不治以治之者也故善爱其身者不治身 冰炭岩矣而謂道德申韓宗祖可數蘇子瞻求而不得 以柔弱而此以堅强此勇於敢而彼勇於不敢已方圓 下之術遂至残忍刻薄而無疑嗚呼審若是則不可以 乃强為之說曰老子之學重於無為而輕於治天下國

欽定四庫全書

基老子翼

マン ファン 2.1.1.i 善爱天下者不治天下凡古聖王所謂仁義禮樂者皆 得為失以無知為知以無欲為欲以無名為名孰謂無 非所以治之也而况一切刑名法術數故其著書專言 為不足以治天下乎世固未知無為之有益也然則韓 以善下不争為百谷之王以好戰為樂殺人以用兵為 道徳而不言仁義以仁雖無為而不免有為義則為之 不得已以勝為不美以退為進以敗為功以福為禍以 而有以為又甚矣是故其為道也以虚為常以因為綱 老子翼

動定匹庫全書 老之術也順而達則以不忍之心行不忍之政是故順 氏昌為愛之曰順而達者帝王之政也逆而能忍者黄 事松施而後四達不禦其效非可以旦夕責也逆而能 民不安而亦無賢可尚如是而已矣此至易至簡之道 忍者不見可欲是也是故無政不達而亦無心可推無 人不忍於忍而忍於不忍學者不察遂疑其原從而曰 不得是故不忍於無欲而忍於好殺不忍以已而忍以 切急功利者之所尚也而一切功利者欲效之而

文三日直 (m) 温陵人仕至姚安太守請老歸 為之解并序其所以語道德者以自省馬先生名載勢 以道德之流生祸也而非以道德故故深有味於道德而 氣患在堅强而不能自克也喜讀韓非之書又不敢再 矣獨不曰仁義之後其禍為篡弑乎古今學術亦多矣 道徳之福其後為申韓也如此夫道徳之後為申韓固 由此觀之則謂申韓原道德之意亦奚不可予性剛使 再傳而遂失之其害不可勝言者豈少哉獨老子乎 老子翼

	PAGE SALES AND	Calcing Property	and the same of	en e	one west also	limetaly san a	1
老子真卷三				,			金万四月白十
1							F
Managara .							
							卷三
				·			
10 mm							
!							

采氏作老子集解別為考異一篇附馬顧其所見裁 遷言者書五千餘言亦其大率耳安者至盡削語助 所加也則後人之妄增而不及自道者可勝言哉史 十數本耳余親卷軸既多異同滋甚其為余所安者 明言我獨異於人而貴求食於母先無求於两字予 古書傳世為人所竄易者多矣而老子尤甚開元注 /詞以就五千之數是史遷一言為此書禍也辞君

段之四草全書 · *チ異

不居成不處功夫唯不居古本作本相上並有之字萬物作馬而不蘇而不為始功成而群無故字傳要古萬物作馬而不蘇那本作作功成而斯惡已蘇巴皆知善之為善皆上一有故有無相生縣 使心不亂走本作是以聖人之治也一無之治使夫知 之好古者參馬弱倭題 已載正經而悉以其餘系之卷末仍名曰考其俟世 第三章 第二章

港兮似或存碑本無今或作者本與不盈陸本作不出 **野定四車全書** 者不敢為也本無也字 則無不治彭邦 不屈河上陸多言碑本作 第六章 第五章 老子翼 作吾不知其誰之子陳碧虚下有似紛作念淵兮河上陸

矣有善仁 且 天長地久姓長 天地根古本列子並 而不爭轉而作又處衆人之所惡古本處故義於道 故能長生母人 第八章 第七章 第九章 古本作故無尤 本作非以其無私耶河上陸作以其無人 天地所以能長且久有之 碑本無 有一 矣下

挺司馬強 字此 室 騎作橋功成名遂身退解作功遂身退又名作事作滿輪司馬功成名遂身退碑本作名成功遂身退王持作情揣而鋭之古本作敝而税長保碑本作滿堂古 抱 作東無離子 四 ラレノルア 第十章 第十一章 第十三章 馬手能嬰兒子一能下生之言多 老子翼

患者者 下並 有於 託 此三者 以身為天下者可以寄天 縋 身為天下者以 第十四章 無及吾無身告無身 吾有何患古本下故貴 無故混而為 一無無物 則身可為 下碧虚作龍 下爱以身為天下者可以 八下矣朋元本、则可以託天 有有 者徒古上

能敞 復成本李禁本 达執古之道 第十五章 可馬 第十六章 分其渾芳其若濁碑本混静古本上徐清徐生芳 客作容釋作为敦兮其若撰碑作混曠芳 安以久 作 1古本道 作谷安故能敞不新成去本是 白復命 老子翼 是調 命芸芸莊子作各 四 た混曠ち

其根有復 **畏次** 而陳 不知有之 此無 其猶貴言一無方碑 悔其次信不足有不信王獨有猶分其實言王獨有之知有之親之譽之 而察之 其次侮之彭本 第十七章 並有馬孝慈一作忠臣古本作 知有之親之譽之 八章 公乃王王乃天母本作公能沒身不殆 名遂皆曰曹程黄曰作謂 五勢作親其次侮之

此三者以為文不足為文而此 **洮** 純 純 碑 作美荒兮其未 所颼 第二十章 第十九章 上的一作潛方其者海 醒之此 昭昭 解析作 昭昭察察的皆替及 在登下者 澹作 专海 一怕号 其岩海殿号上四一作忽号其 老子翼 上贵食母 作古我本 未古 登昭 足本 鳧作 哉其 求開 若若 問問 未鬼 也以 北碑 食元無晦 于本止飄 関古 関忽若 号 毋作 作似 如

金定匹库全書 者同於德失者同於失為從事於失者失者同於失故飄風不終朝一無故終古礼為此者天地古本也德 **恍惚作出物惚兮恍兮其中有象具其字句末有兮** 同其精甚真無此 並作正 豈虚言哉下有也 第二十二章 第二十一章 第二十三章

而王居其一馬馬陳無此兩句寒兮麽作寶强為之名曰大名之曰大城中有四大 也處下 てい すいしいい 作金 其在道也在並作於 物或惡之成人不處王列陸其在道也可馬曹陳蘇物或惡之成一人 於道者道亦樂得之古本無同樂信不足古本足 第二十六章 第二十五章 第二十四章 7 老子翼 7

獨河上有之 苦人 以聖人常善救人故無弃人 善行者下近同 善計不用塞 故大制不割制無割 第二十九章 第二十七章 第二十八章 何夫根本諸本作失 有者下人 同下 巨失 等策又 策作等

魔作 屋足以 作 版本 華黄陳 内 隆王 四 果而弗强 大軍之後必有凶年無此果而已 器一年此恬淡為上勝而不美而美之者是樂殺 第三十章 第三十一章 一作是謂 不道 以古弼 本作 とチ屋 作歔 有夫上 共贏 王作出 並作非道本碑本 為者碑本者作 有矣 取强有馬 性 載古本作培 F

展萬物將自賓作天下自均有馬 猶川谷作由 之撲跳小天下不敢臣本作莫能臣也矣王 古本並作王 势則以喪禮處之喪禮處之衆多本下有則下同不可以得志於天下矣碑本志作意無矣字 言居上以樂之樂之者是樂殺人也夫樂人之殺人者言居上也夫樂殺人者不可得志於天下矣古本作以恬澹為 之與江海古本下 第三十二章 第三十三章 以恬澹為

終有 知人者智也下並同有力葉無不失其所都所下 矣下同 歸馬時本作不為主為如以其不自大其不可名於小歸馬時本作不為主為如以其不自大古本,外作犯 不居不名有愛養衣被可名於小為小一作 人象有者 出口古本碑本淡乎古本作 第三十六章 第三十五章 第三十四章

無一 欲作 **釞定四庫全書** 一德無為而無以為下德為之而有以為無為而 王阿作偷柔勝剛弱勝强古 無以為心仍之年奶亂之首也愚之始也下德為之仍之王弼礼之首也愚之始也 工士奉作鎮以 第三十八章 第三十七章 居其海處其實不居其華四句並作處王獨作處其 1 之脱古本邦 國 作

高將恐魇 得 聞道大笑之古本道故建言故無有之 将恐壓一作矣王無以自福一以生 無以生 恐城十四字一以生 君平本無此并下萬王 并不其 非古 1) / 殿本 第三十九章 第四十一章 路作 作数與無與樂古本 * 子翼 四字的矣王無以為貞而貴 作其致之一也 稱古清本 車作环 銀作如玉 作此时 有日 類 其古本 無一也萬 下古 同本 作 類一 非 作 作

作人之所教亦我義教之以教我亦我之所以教人一王公以為稱以自稱也 進道若退一在夷道厚古本偷古本渝 知無為之有益也 無有入於無間於無 第四十二章 第四十四章 第四十三章 一字希及之無吾希及之 間淮 侯人之所教我亦教之古本作 王南 弼子 教父者本 作並 無作 下政 有 入 無 間 有 本 間 有 作 作古 輸本 ゝ吾是以

又無之 谷莫大於欲得弊非本古本作故知足之足常足矣同却走馬以盡清本作以董車 罪莫大於可欲無此 沖古本届古本清静為天下正古本為 こううしょう 無矣 第四十七章 第四十六章 第四十五章 老子翼 罪其大於可欲王阿本

下矣不為則無故取天下者 而知行而作可以 窥於 剑穴匹库全書 不出戶知天下不窺牖見天道 為學為道古本下又損之 第四十八章 第四十九章 而至 作不 作不 作不 作不 方道其出獨遠 可以知天下不其出獨遠 可以知天下不其出獨遠 者二四年 字 故不足以取天下对本作 之無無為而無不為矣作無 韓彌非古 可古以本 字户 下作字戶 有編 韓窥 者同不非作不 出有

孩之性 下有夫何故古本 下無死地人之生動之死地 韓非本古 天真之爵作其之命畜之 益古之作 第五十一章 第五十章 無矣下同一作得善 弼 **煤炭古本作氣** 关于留 德 畜之 亭之毒之一 有古古本 F 死地 生生之厚本 渾其心古本 馬作

稣定四庫全書 絶修之於身 有始古本始得其母得一 监舊 而民好經碧虚司馬 外作非道哉 **茅五十三章** 第五十二章 第五十四章 者 者下同子孫祭祀不輟韓非無子孫祭祀不報 同無 工作监夸 非道道下有也趙志 於 但資貨有餘古 ·作能下同一人 進志堅 乃 作彭 裳葉 非作 乃餘 襲 以孫 货作 有超其 餘作世有能世以 財貨 财 修祭韓之礼非

於由知氣逆也 日强則强 是謂謂之 不道之古本順作歌歌日强古本作是謂古本作不道全 生也無也下同而不順無監後人以莊子之陸作至也碧虚蘇曹而不順一作監不順黃茂材 於那 知者不言的本語不可得而既不可得而害不可得而 含德之厚比於赤子者此之于赤之也 並古 有本 J.... / 12/1 國邦下售 第五十五章 第五十六章 亦上 同俱作 何以古本 老子翼 作 非碑文日道本增古 本 増古 作古 作 入本 腹本

滋我無欲而民自樸 此其 第五十七章 第五十八章 関古人作 大然民多技で 政本正無士 矣 固 醇 所福 醇 伏之 巧奇 穢蓼 為吾何 作禍分福所倚福分禍所 非微 情上 作 也其日固久矣韓非 民此自下 以知天 慧古 清有 我 起多 智滋彰 吾作

積調 固 治大國韓非作治烹原不當其神不傷人 ていつら こみら 作其柢 德則莫知其極莫知其極對無下深根固抵難非作不若 音性如是謂早服服一作復 謂之重積德韓非 第五十九章 第六十一 第六十章 傷 群 民作 不 一章 老子翼 有也聖人 1

為也 金元四月 全書 天下之交天下之北之 圖難於其易下同一 罪以免邪有可 道作 姓此所以贵此道者何 之下一無此的故大者宜為下作為之司馬作以其静故大者宜為下一無故 有心善人之 第六十二章 第六十三章 下有所程之 無其子天下 交作 牝天 下以静為 何也不曰罪從曹陳 小加坐進 下古本作以 下同 輕諾 下其 有

不敢為有也 とり事を持 第六十五章 里之行何之高聖人無為 作半為之於未有古本 下則無敗 其多智也國之古本作以國之 -四章 作曲故 老子翼 殿國之福不有也知此而 上有以情舊並作 下為同之 聖有 人是 齿

同下 はだける 句 句無 同其 第六十七章 兩者亦作 以其言下之古本作必以言 一上有然後古本作乃領至 長非 一姓且勇 下言 之下

敢無本作輕敵 我要吾實时本作無用兵有言古本下仍無敵執無兵去 有葉 一無敵字 古之極古本下 善為士者不武古本作古之善養勝敵者不争林 必上 第六十九章 第六十八章 矣相 **考子翼** 四寶抗兵相加哀者 無敵王弼作扔 輕古本作執無兵仍輕 五五

病韓非作聖人之不病也上尚矣作病古本作疾古本作理人之不病也 金贝四月至書 則我貴矣我者贵被褐 威至矣一作則無於 第七十章 第七十二章 第七十一章 莫能知莫能行能和 作聖人之不病也以其病病是以 英作 下作 押夫唯不厭矣如 有被之而 心 |行莫| |之 不我知也心 不清 狎作 無

其手矣一作希不傷其手矣置作而代司殺者而一是代大正断是下一希不自傷 民之飢下二句同食税之多也下同以其生生之民之飢古本下有者食税之多也一無也以其生生之 民不畏死一民下吾得執而殺之孰敢 此兩者一此上有輝 第七十五章 第七十四章 第七十三章 默坦 殺之孰敢也一古本作吾得而

有本 多定四月 也下 植張弓手古本作 析作强大處下 第七十七章 第七十六章 下唯有道者古本作熟能损有張弓乎古本作其循張弓補之 物二字 柔脆服一人一上有萬柔脆服一人 求生之厚。唯無以生為者為下有贵一作以其上唯無以生為者一上有夫 **坚强處下** 古本作故 徒古本下有兵强古本 解而奉不功成而 與之熟能有餘以 貴生 和政

若反古本下 之也 和大怨有者必有餘怨一無故有德司契故無 不居成不處見賢耶 古本作其不知故聖人云故也以此柔之勝剛弱之勝强 以無柔之勝剛弱之勝强一上有故莫不知莫能一莫柔弱於水羽其過於水能先作縣以其無以易 第七十九章 第七十八章 那 一無 老子翼 一作是以古是謂 4

樂其業作俗音量作使民至 而不遠徙縣本無甘其食古本上有至治安其俗俗后使民有什伯之器什伯人之器而不用有也使民重死 與 多烷匹库全書 無 第八十一章 第八十章 ,辩辩者不善財鄉言不善 不積不一天之 ~無而不相往來 下無作俗 有而居一

